

omnes Consiliarii status, tam Ecclesiastici, quam Laici; & ex Parlamento Baronibus illi quos Princeps advocabit; Duo Capitales Bancorum Iustitiarum, vel ipsis absentibus, alii duo Iustitiarum. Officiarii autem sunt, Clericus Consilii, Clericus Brevium, & processus consilii in Camera Stellata, &c. Causæque hic non per Pares secundum legem nostram Communitatem, sed ad formulam Iuris Civilis ventilantur.

Curiam Wardorum & Liberationum, quæ à pupillis, quorum causas tractat, nomen habet, Henricus Octavus primus instituit: cum superioribus temporibus eorum causæ in Cancellaria, & Scaccario audirentur. Veteri enim instituto è Normannia deducto, & non ab Henrico Tertio, (ut aliqui scribunt,) cum quis defunctus sit, qui possessiones à Rege in Capite per servitium Militare tenet, tam hæres, quam ejus patrimonium, redditusque in Regis potestate, & tutela sunt, donec alterum & vigesimum ætatis annum compleverit, & tunc ei per rescriptum Regis redhibentur. In hac Magister Generalis judicat. Subsunt autem Supervisor Liberationum, Attornatus Generalis, Receptor Generalis, Auditor, Clericus Liberationum, Clericus Curie, Feodarii quadragesima, & Tabellarius.

Enatæ sunt etiam posteris temporibus duæ aliæ Curie, v. z. Errorum corrigendorum, quarum prima pro Erroribus in Curia Scaccarii, alia pro Erroribus in Curia Banci Regis commissis emendandis. Illius sunt Iudices Cancellarius, & Thesaurarius Angliæ, adscitis sibi aliis quos velint Regis Iustitiariis; istius vero Iustitiarum communis Banci, & Barones Scaccarii.

Admiralli Curia res maritimas tractat. In hac numerantur Admirallus Angliæ, Locum-tenens, & Iudex, Scribe duo, Serviens Curie, Viceadmiralli Angliæ. Nunc ad fora æquitatis.

Cancellaria à Cancellario nomen traxit, quod nomen sub prisca Imperatoribus non adeo magnæ dignitatis fuisse ex Vopisco docemur. Nunc autem honoris est maximi, & in summum togatæ dignitatis fastigium everti sunt Cancellarii. Quorum nomen Cassiodorus à Cancellis repetit, quod intra secreta cancellorum septis clausa, causas examinarunt. Respicit, inquit ille, quo nomine nuncuparis, Latere non potest quod intra cancellos egeris. Tenes quippe lucidas fores, claustra patentia, fenestras januas. Vnde plane constat Cancellarium intra Cancellos undique conspicuum sedisse, ut inde nomen accepisse videatur. Verum cum ejus esset qui Principis quasi os, oculus, aurisque erat, rescripta & decreta contra jus, vel Rempub. impetrata transversis lineis cancellatim inducere, quod non improprie Cancellare dixerunt, ab hac Cancellatione nonnulli Cancellarii nomen deductum opinantur, & in recentiori Glossario legitur. Cancellarius est qui habet officium scripta responsaque Imperatoris, atque mandata inspicere, male scripta cancellare, & bene scripta signare. Nec verum est quod Polydorus Virgilius tradit, Guilielmum Conquestorem instituisse scribarum collegium qui diplomata scriberent, & ejus Collegii Magistrum Cancellarium nominasse, cum Cancellarios fuisse in Anglia ante Normannorum victoriam planum sit & perspicuum. Quanta hodie Cancellarii sit dignitas, & autoritas, notius est quam ut ego explicem, quanta olim fuerit libet uno & altero verbo ex

autore satis vetusto hic adjicere. Cancellarii Angliæ dignitas est ut secundus à Rege in regno habeatur, ut altera parte sigilli regii quod ad ejus pertinet custodiam, propria signet mandata, ut capella Regis in ipsius sit dispositione & cura, ut vacantes Archiepiscopatus, Episcopatus, Abbatias, & Baronias cadentes in manum Regis ipse suscipiat, & conservet, ut omnibus regis adsit consiliis, etiam non vocatus accedat, ut omnia sigilliferi Clerici regii sui manu signentur, omnia Cancellarii consilio disponantur. Item ut suffragantibus ei per Dei gratiam vitæ meritis, non moriatur nisi Archiepiscopus, vel Episcopus, si voluerit; inde est quod Cancellaria emenda non est. Forma Cancellarium constituendi (& hanc annotare lubet) regnante Henrico Secundo fuit appendendo magnum Angliæ sigillum ad collum Cancellarii electi. Henrici autem Sexti tempore hujusmodi erat, ut ex Archivis adnotem. Cum Cancellarius Angliæ diem obierit, tria magna sigilla Regis unum scilicet de auro, ac alia duo de argento, quæ fuerunt in custodia Cancellarii, statim à morte in cistam ligneam serratam reponuntur, & sigillis procerum qui presentes fuerint consignatam in Thesaurariam deferuntur. Inde ad Regem perferuntur, qui illa futuro Cancellario subeunti onera executionis officii Cancellariatus, capto sacramento, de bene & fideliter exercendo, primum magnum sigillum de Argento, deinde Aureum, & alterum Argenteum in manus tradit in frequenti nobilium presentia, qui illa accipiens in cistam reponit, & suo sigillo signatam domum suam deferit, & in presentia aliquot nobilium Patentes & Brevia Regis sigillari facit. Cum Cancellarius exoneratur, tria illa sigilla in presentia procerum primum magnum sigillum Aureum, aliud sigillum Argenteum de magna forma, & aliud de minori Regi in manus tradit. Hodie tamen unum solummodo Cancellario traditur sigillum, nec nisi Henrico Sexto regnante, horum trium sigillorum uspiam fit mentio. Huic Cancellarii muneri temporis decursu plurimum authoritatis, & dignitatis ex edictis Parliamentariis accessit, maxime ex quo causidici stricta ratione ita juris apicibus inhaerent, & verborum ponerent tendiculas ut forum æqui necessario fuerit instituendum, quod Cancellario commissum, qui ex æquo & bono judicaret & summum jus, quod summa crux videri soleat, temperaret. Hic vero præsidet Dominus Cancellarius Angliæ, assident Magistri Cancellarii duodecim, quorum primus est etiam Chartophylax five Custos Rotulorum ejusdem Curie, & inde Magister Rotulorum nuncupatur. Pertinentque ad hanc Curiam Officiarii permulti, quorum aliqui sigillo Regis præcipue inserviunt, scz. Clericus Coronæ, Clericus Hanaperii, Sigillator, Cera minister, Contrarotulator, Hanaperii, Curiste viginti quatuor, Clericus ad Brevia de Sub pæna: Alii querelis præcipue ibidem exhibitis, sicut Protonotarius, sex Clerici, sive Attornati Curie, Registrarius. Sunt etiam ibidem Clerici parva Bagetres, Clericus Presentationum, Clericus ad facultates, Clericus ad examinationem literarum Patentium, Clericus pro dimissionibus, &c.

Est & alia Curia è privato Regis consilio enata, Curia Requisitionum, sive Requestarum, à libellis supplicum dicta, quæ causas audit ut in Cancellaria inter privatos, sed quæ prius principi, vel ejus consilio privato oblata & etiam alias. In hac sunt Magistri Requisitionum, sive à supplicum libellis aliquot, & Clericus, sive Registrarius, & Attornati duo,

Robertus Fitzstephan. vixit sub Henrico secundo.

Gualt. Maps.

Curia Requisitionum.